



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus I. De conditionibus, ut unus Conjugum validè transeat ad Religionem.

[urn:nbn:de:hbz:466:1-73045](#)



QUÆSTIO XXXII. IN TIT. XXXII. DE CONVERSIO CONJUGATORUM.

2826 **P**ostquam actum est generatim de Regularibus, & transiuntibus ad Religionem: hoc titulo agitur de speciali casu, quo *Conjugatus* relicto seculo, statum Regularem amplecti volunt. Quoniam autem jam alibi diximus, licere conjugibus, relicto matrimonio *rato tantum*, transfire ad Religionem, ac in ea etiam, si voluerint, profiteri, sic, ut secundum professione solenni in Religione, per Sedem Apostolicam approbata, matrimonium illud, *ratum tantum*, & necdum consummatum, etiam quoad ipsum conjugale vinculum dissolvatur, & remanenti in seculo liberum fiat ad alias nuptias convolare: specialis hoc titulo tractanda quæstio est de *Conjugibus post consummatum matrimonium*, conversionem, seu transitum ad Religionem amplectentibus, de quo etiam V. l. 4. Decretal. à n. 444.

ARTICULUS I.

De conditionibus, ut unus Conjugum validè transeat ad Religionem.

2827 **L**oquimur de Conjugi *post matrimonium consummatum*; privilegium porro, concessum Conjugibus pro ingressu Religionis ante matrimonium consummatum; & tempus, intra quod illis hoc liceat? exposuius lib. 4. à num. 461. ubi an hoc etiam liceat, esto conjunx primo bimestri per alterum vi si oppressus? ibid. à n. 464. Demum etiam quo jure professio solennis, matrimonio rato, & non consummato superveniens, illud ditimat? loc. cit. num. 445. quibus positis:

2828 De quæstione, quid requiratur, ut unus ex conjugi licet possit transire ad statum religiosum, ac in eo ritè profiteri: plures Canones extant super eo tractantes. Nam c. *Praterea*. i. h. t. ha-

betur, quod si vir, qui sine licentia *Uxor* sua monasterium ingressus, forte professionem fecit, uxore in sacerdotali habitu remanente, nec ad religionem transiunte, aut perpetuam continentiam voente, nisi uxor ad religionem transferit, aut castitatem servare promiserit, debeat, ac possit ab Episcopo de monasterio revocari; quia cum una caro sint effecti, non debet una pars in seculo manere, & altera ad religionem, & castitatem transfire. Deinde, c. *Cum sis. 4. cod. Alexander III. Exonensi* Episcopo scribit: Sanctorum Patrum institutioni obviare, ut vir *uxore sua in seculo remanente*, aut uxor viro suo non assumente religionis habitum, debeat ad Religionem transfire, nisi uterque ad religionem migraverit, vel uxor ita senex sit, & sterilis, quod sine suspicione possit esse in seculo, dissimilare poteris; ut vir ea in seculo remanente, & castitatem promittente, ad religionem transeat.

Tertiò idem Pontifex scribens Stri-
goniensis, & Colocensis Archiepiscopis,
Conjugatus, inquit, *ad monasterium con-*
viri desiderans, prohibetur suscipi, nisi
uxor ejus conversatur; nam cum unum
utrorumque corpus, conjugii copula-
tione, sit factum, incongruum est,
partem converti, & partem in seculo
remanere; nec recipitur apud Deum
illius viri conversio, cuius sequitur con-
jugalis fœderis prostitutio. Cùm igi-
tur cœtus Clericorum longè præmi-
neat cœtu Monachorum (ut ita ali-
quando bonus Monachus vix bonum
Clericum faciat) nullus conjugatorum est
ad ordines sacros promovendus, nisi ab
uxore, continentiam profidente, fuerit
absolutus, ut fiat deinceps de carnali
copula spirituale conjugium, per c.
Conjugatus. 5. cod.

Quarto, idem Priori, & Fratribus 2830
S. Joau-

S. Joannis præcipit, ut Uxoratus sine licentia uxoris in Religionem nullatenus recipiatur; quæ, si integræ opinio-nis existit, Marito in Religionem recep-to, publicè in conspectu Ecclesiæ con-tinentiam professa, poterit in propriâ domo cum filiis, & familia permanere; si autem suspicione non careat, se à conuersatione secularium removeat, & in loco religioso perpetuò Deo serviat; c. *Uxoratum* 8. eod.

Quintò Innocentius III. rescribens Pisano Archiepiscopo, cùm Vir, & Uxor ait, una caro per copulam carnalem efficiantur, nec una pars con-verti possit ad Dominum, & altera in seculo remanere, non esse alteram reci-piendam ad Religionem, nisi aliqua per-petuam continentiam repromittat, & vitam mutet, nisi sit ejus ætatis, ut sine suspicione incontinentiæ possit in seculo remanere. c. *Ad Apostolicam*. 13. h. t. plures ejusmodi textus passim haben-tur h. t. ut c. *Ex parte*. 9. eod. ibi: quia verò licet predictus Vir Uxore suâ remanente in secluso de jure ad Religionem ne-quiverit transire; c. *Placet*. 12. eod. ubi dicitur, quod votum Uxorū, quæ, cre-dens virum suum mortuum, habitum monachalem assumpsit, viro reverlo, non tenerit in præjudicium mariti; c. *Accedens* 17. eod. ubi dicitur, quod Uxor maritum professum repetere pos-sit non obstante licentiâ profitendi per metum extorta, ut exponit rubrica di-cit. c. *Demum* c. *Dudum*. 20. eod. ubi habetur, quod si conjuges se ad invi-cem absolverunt, continentiam pro-mittendo, & uterque, vel alter eorum religionem profiteretur, alter alterum re-petere non potest.

2831 Ex his iuribus deducitur, 1. inter conditiones, ut unus conjugum, post matrimonium consummatum; licet transeat ad Religionem, ac in ea vali-dè profiteatur. 1. requiri consensum alterius conjugi; secus etiam professum, repeti posse à remanente, ut constat ex dict. c. *præterea* in num. 2828. & ta-lem professum (cùm ejus professio irri-ta sit, nec in alterius præjudicium à Deo recipiatur) posse, etiam authori-tate propriâ, ad seculum redire, saltem ubi conīctat, quod sine alterius consensu professus sit, & superior illi redditum in-

dulgere recusat. Et ideo, qui facit pro-fessionem in vitâ Uxore, & deinde co-gitur ad illam redire, mortuâ Uxore non tenerur ingredi Monasterium ex c. *Quidam intravit*. 3. h. t. ibi: ratione voti ad Monasterium non tenetur redire. V. Sanchez lib. 7. Matri. D. 34. à n. 10. quod verum est, etiam si post redditum ex Monasterio ad Uxorem, hæc moria-tur. Nam votum Religionis, seu reli-giosæ professionis, *Uxore inviā emis-um*, omnino est irritum, & nullum, & nullam obligandi vim fortius, ut per Sanchez dict. lib. 7. D. 34. n. 10. Quia votum, semel irritatum, amplius non as-sumit vites, ut per Navarr. in man. cap. 12. num. 66. Petr. de Ledesma in Summ. tom. 2. tract. 10. cap. 7. dub. 2. circa pri-mam conclusionem dict. 4. Azor part. I. cap. 17. q. 4. & q. 11. Sayr. in clavi Regia lib. 5. cap. 8. num. 7. plures Doctores refert Sanchez in pracepta Decal. tom. 1. lib. 4. cap. 26. num. 4.

Not. præterea, conjugatum, con-summato matrimonio, de sui conjugis licentia (eriam prætermissa Episcopi li-centiâ) quantum est ex hoc c. licite, ac validè in Religione profiteri; per c. si vir 23. 27. q. 2. juncta gloss. V. *Consci-en-tia*; & sequitur ex c. 1. h. t. ubi habetur, quod Vir, ignorante Episcopo, sed cum li-entia Uxorū professus, per Episcopum possit ad thoram Uxorū revocari; si Uxor non transeat ad religionem, aut promittat continentiam perpetuam; ergo si hoc etiam Uxor præstet, valebit ejus professio, etiam ignorantie, conse-quenter non consentiente Episcopo facta.

§. I.

An Conjugatus validè profiteatur Reli-gionem cum sola licentia alte-rius?

2832 **D**uo, cum sola licentia alterius; atq; adeo, esto alter nec edat votum perpetua continentia, nec Religionem ingrediatur? Requiri etiam alterutrum, ut licite profiteatur, deduci potest ex ju-ribus supra relatis à n. 2827. Sed questio est, an, præter alterius licentiam, saltem alterutrum, ad valorem professionis, cum alterius licentia facta id requiratur? lo-quor autem de alterius licentia, seu consensu liberè dato, & concessio, ut alter

alter in Religione professionem edat; quo posito, i^u. professionem sic factam esse validam, esto remanens in seculo nec perpetuam continentiam voveat, nec Monasterium, vel Religionem ingrediatur, ratio hujus est, quia nullo jure irritatur talis professio cum licentia alterius conjugis facta, tametsi dans licentiam nec perpetuam continentiam voveat, nec Religionem ingrediatur.

2833 Ratio etiam desummi potest ex ipsa juris dispositione. 1. ex c. *Agathosa*. II. 27. q. 2. ubi resolvitur, quod, si dicta Mulier Agathosa marito suo licentiam dedit edendi professionem religiosam, ipsa vero se mutare promisit, Vir debeat in Monasterio remanere, & ipsa compelli, ut quod promisit, impleat; ex hac autem resolutione sequitur, professionem mariti validam fuisse, cum consensu Uxor factam, esto haec nec votum castitatis emiserit, nec religionem, seu conversionem suscepit; nam promissio futurae conversionis non est conversio. 2. c. *Ex parte*, ubi Vir in infirmitate, de consensu Uxor facto continentia Monachalem habitum assumens (esto nunquam intraverit Monasterium) indepræ valetudine, retinens Uxorem, ac eam mortua ducens aliam, jubetur hac dimissâ, transire ad Monasterium. Valuit igitur cum Uxor licentia emissum votum illud cum assumptione habitus monachalis in vim legitimæ professionis (aliás enim secundum matrimonium non fuisset irritum, nec sub censura compelli potuisset ad Monasterium) & tamen Uxor nec continentiam vovit, nec Religionem intravit.

2834 Dices: in pluribus locis hujus tituli habetur, quod unus conjugum, post matrimonium consummatum, non possit religionem ingredi, & in ea professionem emittere, nisi alter conjunx det licentiam; & tunc si hic sit senex, & extra continentia periculum, secundum Episcopi judicium versetur, in seculo permanere permititur: dummodo in facie Ecclesiæ, videlicet coram Episcopo, & testibus perpetuam continentiam voveat: Sin autem conjunx remanens sit juvenis, aut non extra continentia periculum, versari videatur, etiam ipse Religionem ingredi debet prout aperte colligitur ex iuribus relatis supr. à nro.

2837. q. ex his rectè sequi, nullum coniugem posse licet, etiam consentiente altero, Religionem ingredi, ac profiteri, nisi remanens vel emitat votum continentia, & Religionem ingrediatur, quando est periculum, vel suspicio incontinentia; vel saltem edat votum continentia, si jam sit senex, & extra suspicionem incontinentia: vel demum ambo convertantur, & Religionem ingrediantur; sic iura superius allata: Ceterum esto dicant, sine dictis coniugibus non posse fieri professionem ab altero, illud tamen non posse non importat dispositionem annullativam actus, ut constat ex dict. sed præcisè probabitur.

Not. præterea, ut professio unius est conjugatis licet fiat, requiri quod alter, remanens in seculo, emitat, vel saltem promittat emittere votum continentia perpetua, vel ambo convertantur; ubi tamen nota, non requiri determinatè utriusque ingressum ad Monasterium; sed si Uxor remanens in seculo sit senex & sterilis (ratione etatis, non natura ut ait gloss. in c. *Cum sit. V. steriles*) sufficere, quod emitat votum continentia perpetua, licet remaneat in seculo, modo absit suspicio de incontinentia, ut habetur c. *cum sis*, ibi: *verum si na Uxor senex est, & sterilis, quod sine suspicione possit esse in seculo, & cit. c. Uxoratus*; ibi: si autem talis, qua suspicio non careat: & in cit. c. *Ad Apostolicam*; ibi: nisi forte sit ejus etatis, ut sine suspicione valeat in seculo remanere. Et in c. significavit 18. h. t. ibi: si est ita & est talis etatis, de qua suspicio haber: non possum ergo. uijuscunque etatis sit conjunx remanens in seculo, si tamen de eo sit suspicio incontinentia, non sufficit, quod votum perpetuum continentia ediderit; quia Canones periculo incontinentia consulere voluerunt.

Si tamen Uxor, præsertim Juvenis, quæ Viro dedit licentiam profundi religionem, esset suspecta de periculo incontinentia, ut posset vir ejus, etiam cum ipsius licentia licet profiteri etiam cum voto perpetua castitatis remanente in seculo, sed simul opus foret, quod & ipsa intraret Monasterium; collat ex c. *cum sis* de quo supra &c. *Uxoratus*, ibi: neque sufficit uxorem licentiam dare, nisi integræ opinione existat, ita, ut nulla

nulla sit suspicio, illam ad secunda vota, vel alias nuptias transfirat, vel incontinenter victuram; cum enim illa in propria domo, cum filiis suis, & familia, poterit permanere, si publicè in Ecclesia votum continentiae edat. Sin autem talis fuerit, ut incontinentiae suspicione non careat, tum à seculari hominum conversatione remota, in loco religioso, ubi DEO serviat, edito voto continentiae, perpetuo commoretur, &c. ad Apostolicam, relato in præmissis.

2837 Ex hoc nascitur quæstio, an, quando ad licitam Viri professionem non sufficit licentia Uxoris, & emissum ab hac votum perpetuae continentiae; sed etiam, quod ingrediatur Monasterium, prout hoc exigitur, ubi est suspicio de periculo incontinentiae, si remaneret in seculo; auquam, hoc intelligatur de ingressu Religionis per professionem? an de solo ingressu per commorationem in Monasterio, circa obligationem seu amplexum ipsius statutus religiosi?

2838 Ad hanc quæstionem sic respondet Pirthing b.t.n. 5. §. not. 2. ad licitam professionem conjugati non satis est, si alter coniux sit adhuc juvenis, & religionem ingrediatur, ut ibi inclusus à vagationibus arceatur: sed requiritur, ut etiam professionem emittat, ut colligitur ex c. Uxoratus 8. ibi: & in loco religioso, ubi DEO serviat, perpetuo commoretur, b.t. Nam, si ingredieretur solum ad vitandas suasiones vagandi, includeretur in Monasterio velut in carcere: non autem intraret, ut DEO serviat.

Idem, ait, clarius haberi, ex c. cum sis, 4. b.t. ibi: nisi uterque ad Religionem migraverit, b.t. & exc. i. eod. ibi: nisi Uxor ad Religionem transserit; non autem transit, si non profiteatur, & ex c. Agathosa 21. in fine, ibi: postquam copulatione Conjugii Viri, atque mulieris, unum corpus efficitur, non potest ex parte converti, & ex parte in seculo remanere: at non dicitur converti, sed in seculo manere, si non profiteatur. Abb. in cit. c. Uxoratus, n. 3. & in c. Accedens 17. n. 2. b.t. ubi ait, in illo cap. narrari factum, non statui jus, Sanchez cit. D. 32. n. 4.

2839 Sed his non obstantibus, magis placet sententia P. Henrici Wagnereck, in c. Uxoratus. 8. b.t. qui in Exegesi ad ea verba

Zem. III.

in religioso loco commoretur, quæ habentur in eo c. à nobis relato superius notat, dubium esse, an, cum jubetur conjunctus, quæ viro licentiam dedit Religionem ingrediendi, sed juvenis aut suspecta teneatur ita in loco religioso commorari, ut Religionem profiteatur, vel, ut ibi maneat custodia causâ, ad vitanda incontinentia pericula subjungit: *mibi placet, non teneri ad profitendum*, nisi emiserit votum Religionis, sed solum ad manendum in Monasterio custodia causâ, ut sentit Innoc. c. 1. V.

servare &c. significavit inf. Archid. c. qui uxorem 33. q. 5. n. 2. Palacius 4. D. 27. d. 2. qui addit reclusionem duraturam, quo u. que sit senex, & cellet incontinentiae suspicio. Ratio fundamentalis est, quia contra propriam voluntatem nemo cogi debet ad professionem religiosam. c. *Integralm.*

32. q. 2. Si qui autem Canones videntur imperare ipsam professionem, debent & possunt ita explicari, ut necessitatem professionis religiosæ non inducant, quidquid in contrarium doceant aut distinguant alii cum Sanchez l. 7. Matr. D. 32. à n. 27.

Nec aliud evincunt rationes in contrarium allatae à n. 2838. ad 1. ex c. *Uxoratus* &c. verba: *in religioso loco commoretur, ut DEO serviat*, sufficienter verificari subtractione occasionem vagandi; quia ibi non requiritur *actuale servitium divinum* (alias, si etiam professio hoc omitteret) professio alterius non valeret; sed solum intelligitur major occasio ad DEO servendum, quam esset manendo in seculo; quod utique habetur commorando in loco religioso præcisæ occasionibus externis vanitatum, de quibus periclitari suspecta est.

Ad alterum ex c. cum sis, & similibus &c. verba: *ad Religionem migrare, vel transire, aut converti*, non importare determinate adum professionis in Religione, vel obligationem ad illam; & recte intelligi de transitu ad Religionem, hoc est Religiosum claustrum, seu locum, vel in eo etiam profitendo vitam regularem; vel solum commorando inter Regulares, ut præcisis seculi vanitatibus divino quis obsequio commodius serviat, & à periculis peccatorum remotior sit; nam & hæc vera conversio, cum à periculis, & vanitate homo se segregat, ac recipit in locum illicis non expositum.

Nnnn

Præter

650 Tract. In Lib. III. Decretal. Quæstio XXII.

2841

Præter dicta not. 1. esto non requiriatur Episcopi licentia, ut unus conjugum cum alterius licentia *valide* profiteatur in Religione, ut diximus superius, requiri tamen, ut *licitè* profiteatur, propter præceptum Ecclesiæ; 2. nec revocari possit ex Monasterio, sicut revocari potest, quando coniunctus, qui dedit licentiam, manet in seculo sine voto continentia, de quo V. Sanchez l. 7. D. 32. an. 2. nam, si professus esset, altero remanente in seculo, priusquam iste votum continentia emisit, etiam sine licentia Episcopi revocari poterit; quia jus non permittit, unum esse in Religione, alterum absque voto alterius in seculo, de quo V. Wagnereck ad c.

Præterea i. b. t. à §. Not. 2.

2842

Not. 2. Et si quidam velint, quando coniunctus manens in seculo votum castitatis emittit, sed juvenis est, aut de incontinentia suspectus, posse professum revocari, ut *juxta h. t. sentit gl. in c. significavit. infr. & seq.* Host. in sum. h. t. n. 8. item in c. significavit. n. 2. ac Joan. Andr. ibid. n. ult. quia manens in seculo non præstitit, quod de jure requiritur (deberet enim, si juvenis est, & in periculo incontinentia, non solum vovere castitatem, sed Religionem intrare. c. *Cum sis c. Uxoratus. c. Cùm ad Apostolicam*) verius tamen esse, (quod cum multis aliis tenet Sanchez cit. n. 9.) quod coniunctus, quantumvis juvenis, manens in seculo, si non solum alteri sponte concedat licentiam profiriendi, sed etiam voveat castitatem, cessit jure suo, & licet dicti Canones requirant in juvene ingressum quoque Religionis, non tamen ideo concedunt facultatem alterum ex Monasterio revocandi, si id non fiat; neque pugnat cum hoc titulo; nam iste solum eo casu revocationem concedit quando coniunctus alter Religionem non intravit, aut votum perpetua castitatis non emisit, alii vero Canones de revocatione nihil disponunt.

2843

Not. 3. in quæstione, an, quando coniunctus, qui dedit alteri licentiam profitendi religionem, manet in seculo, & nec continentiam vovit, professus ad hanc possit revocari? probabiliorum videri sententiam, quæ distinguit, & docet, si uxor conscientia sit, ad quid de jure teneatur post datam licentiam, non esse locum huic revocationi, secus, si illius

sit ignara. Quia, si habita hac notitia, nihilominus dat licentiam, censetur eo ipso vovere, & ad id se obligare, quod ad irrevocabilem viri ingressum requiri novit; Secus est, si hujus juris sit ignara; videtur enim femina per ignorantiam excusari; secus est de viro, quia ignorantia facti, non juris excusat, ut habet reg. juris in 6. sed idem dicerem de viro valde rudi, aut talis notitia parum capaci, ita Sanchez cit. n. 14.

2844

Not. 4. professum in casu, quo re vocatur ad alterum in casibus, ubi hoc fieri debet juxta præmissa, teneri quidem alteri petenti reddere debitum; quia per hoc illius suum sublatum non est, nec usus eius ullo voto, vel præcepto interditus, si continentiam non vovit; non tamen posse petere, quia quoad usum sui juris voto solemní continentia in professione, facta sibi, non alteri præjudicavit; quia tamen per illum redditum non tollitur vinculum religiosæ professionis, ut recte notat Sanchez cit. n. 5. contra Palacium, & Vegan: Uxore mortua tenebit reverti ad suam Religionem, quod etiam videtur dicendum, si Uxor ipsa sub hoc ederet continentia votum, vel profiteretur Religionem.

2845

Not. 5. si unus conjugum cum alterius consensu anhum probationis in Monasterio ingressus, & nequidem finito, nec probatione factâ revertatur ad seculum, eum teneri redire ad alterum, qui remansit in seculo, esto is votum continentia emisisset, tum quia in hoc casu votum illud censeretur emissum dependenter a professione securura, tum qui alteri non profitenti præjudicare nec debuit, nec potuit, si professio non sequeretur.

§. 2.
An unus Conjugum, altero invito religio nem professus, teneatur ad perpetuam continentiam.

2846

Questio procedit de professione post matrimonium consummatum, factâ, ignorantie, vel *invito* altero, atque adeo sine licentia illius. Talem porro professionem esse irritam, ac nullam, constat ex dictis, & habet 33. q. 5. c. Una in 6. juncta glossa in c. *Placet. 12. h. t. V.* usquequa non tenuerit, quæstio tamen est, an, licet illud votum *solemnis continentia*

nentia in ejusmodi professione nulliter facit talam conjugem non obliget *in vi professionis*, seu *voti solennis*, obliget tamen *in vi voti simplicis*? Hæc quæstio continetur in c. *Placet*, cit. Cùm enim Coelestinus III. consultus esset, an mulier, que credens mortuum maritum, habitum religionis assumpsit, coque reverso, de Monasterio educta, posset obitum viri ad Religionem compellenda sit? respondit: *votum mulieris fuisse obligatorium, quatenus se poterat obligare, videlicet se non exactum carnis debitum, quod erat in ejus potestate; redire vero ad seculum, non in ejus, sed mariti potestate erat, & ideo quoad ipsam tenere votum, nec posset viri obitum defuisse, immo ad eum calum, à quo poterat incipere, pervenisse.* Consultius itaque esse, ut ad Monasterium redeat; si vero ad hoc induci non possit, credit Pontifex, ipsam invitam non esse cogendam.

2847 Ex hac responsione Pontificia, quæ etiam habetur in c. *Quidem* 3. cod. plures deducunt, votum castitatis, post matrimonium consummatum, etiam in religiosa professione emissum ab uno coniunge, absque alterius licentia, valere, & obligare voventem quoad ea, quæ sunt in suum præjudicium, ut sunt, redire ad seculum altero ipsum non repente à Religione; vel si repetatur (cùm talis professio in vi professionis nulla sit) & ad alterum redeat, petere debitum; vel eo mortuo licet imire matrimonium; ita complures apud Barbos, in *dict. c. Placet n. 1. & seqq.* immo Diana *tom. 2. tr. 7. refolut. 51.* cùm quidam ex metu professus affereret, sibi ex hoc non esse interdicendum matrimonium inire, respondet, ipsum toto cælo errare; quia, licet votum castitatis quod professionem faciens per se, & principaliter emitit, non valeat ut solenne, valebit tamen eo modo quo valere potest, nempe tanquam simplex, pro quo allegat hoc ipsum cap. *Præterea*. Palud. in 4. D. 37. q. 1. à 2. Sanchez l. 7. D. 27. n. 13. Tiberium *Instruct. ordinand. c. 11. q. 80.*

2848 Verum hæc doctrina non potest admitti. Nam, quando dicitur in casu dato, votum nulliter professus emissum in professione sine licentia alterius conjungis valere eo modo, quo valere potest juxta c. *Unicum*, de despensi. impub. in 6. intelligi. *tom. III.*

gitur de voto, quo quis serio & *sponite intendit profiteri*, non autem, si coactè, etiam coactione solum conditionali, seu ex metu gravi; talis enim revera nec presumi prudenter potest, se velle obligare omni modo, quo potest; sed ad summum, quo debet, ut malum, quod metuit impendere sibi coeteroquin, evitet. Quare dicendum, professum ex metu sine alterius conjugis licentia, non teneri etiam voto simplici ad non petendum debitum; nec prohiberi à secundo matrimonio soluto primo; nec altero mortuo teneri ad religionem redire, si evocatus est ab altero, & etiam non repetitum, posse de Religione abire.

Aliud dicendum, si revera serio, spon. 2849

te, ac liberè professus est; nam, esto tali casu, professio, sine alterius licentia, in Monasterio emissæ, sit irrita, nec in eo producat obligationem *voti solennis*; obligabitur tamen in vi voti simplicis, consequenter, ut esto ab altero repetitus, teneatur illi petenti reddere debitum; tamen exigere non possit; neclicitè, etiam mortuo altero, ineat aliud matrimonium, cùm in hoc sibi præjudicare potuerit, & merito, juxta cit. c. *unicum*, præsumatur, voluisse voto illo se obstringere eo modo, quo valere potuit; cùm ergo valere potuerit saltem in his, quæ sunt in ipsius voventis præjudicium, atque adeo in vim voti simplicis, rectè censendus est, cum (etiam stante nullitate professionis) teneri voto simplici in suum præjudicium; quia tamen hoc votum non importat vim dirimenti matrimonium eo stante contratum; aut obligationem permanendi in Religione, mortuo altero illicitè quidem, sed valide contrahit aliud matrimonium, nec in religione permanere; aut, si ab altero repetitus fuit, eo defuncto ad religionem redire tenebitur. Sanchez autem l. 7. D. 27. n. 13. pro ea sententia (ubi quis profitetur *ex metu*) in cuius favorem illum adducit Diana, nullum omnino verbum habet.

ARTICULUS II.

An, & qualiter conjugatus possit suscipere sacros ordines?

R Esp. non posse licet, sine alterius licentia; constat ex c. *Conjugatus* 5. *tom. III.* Nnnn 2 b. f.